

b) Ikizamini cyerekana ko ubazwa azi gutwara ikinyabiziga cyo mu rwego asabira uruhushya rwo gutwara:

✓ Ibizamini byerekeye amasomo no gutwara ibinyabiziga kugirango hatangwe uburenganzira bwo gutwara ibinyabiziga bikorwa muburyo bwashyizweho na Minisitiri ushinze gutwara abantu n'ibintu.

5. Uruhushya rw'amategako yo gutwara ibinyabiziga rushobora guhabwa umuntu wese urusabye kugirango bimufashe kugera ku bumenyi buhagije bwo gutwara ibinyabiziga buzatuma abona icyemezo cy'uburenganzira burunduye.

Uruhushya rw'agateganyo rwo gutwara ibinyabiziga rutangwa ari uko urwaka atsinze ikizamini cy' amasomo giteganwa mu gika cya 4a), cy'iyi ngingo .

b) Uruhushya rw'agatenyoye rwo gutwara ibinyabiziga rufite agaciro ku nzego zose z'ibinyabiziga.

c) Uruhushya rw'agateganyo rwo gutwara ibinyabiziga rumara amezi atatu icyo gihe rushobora kongerwa inshuro eshatu gusa.

g) Ufite uruhushya rw'agateganyo rwo gutwara ibinyabiziga ntiyemerewe gutwara imodoka keretse ari kumwe n'umwigisha ufite uburenganzira bwo mu rwego rw'imodoka atwaye .

Umwigisha agomba kuba iruhande rw'uwo yigisha kugirango ashobore kureba neza ibyo akora kandi amugobohe mugihe cyo kuyitwara icyo bibaye ngombwa.

✓ Ikinyabiziga cyigirwaho kigomba kuba gifite inyuma ikimenyetso kigizwe n'inyuguti **L** yanditswe mu ibara ry'ubururu kandi ifite uburebure butari hasi ya santimetero 15 cg icyapa cy'umweru cyanditsweho (**AUTO-ECOLE**) Mu nyuguti z'umukara .

6. Iyo rwatakaye ,rwibwe cg rwangiritse , uruhushya rwo gutwara ikinyabiziga rusimburwa by'agateganyo ,mu gihe gihagije kugirango habe habonetse inyandiko yarwo kandi icyo gihe ntikirenge iminsi cumi n'itanu n'urupapuro rufite agaciro nk'ako uruhushya rwo gutwara imodoka rutangwa na prokireri wa Repubulika.

Bisabwe n'uwari ufite uruhushya rwo gutwara ikinyabiziga rwatakaye, rwibwe cg rwangiritse, abategatsi batanga urwa mbere butanga n'inyandiko nshungu yarwo .

7. Uruhushya rwo gutwara ibinyabiziga n'inyandiko nshungu yarwo bitangwa ari uko harishwe aya mafaranga:

- Uruhushya rwo gutwara ikinyabiziga ku rwego rutangirirwaho:20.000

- kuri buri rwego rwiyongereyeho 2500.

- Inyandiko nshungu:2500

Nyamara abafite uruhushya rw'agateganyo rufite agaciro batanga gusa amafaranga yari asigaye kugirango babone uruhushya burunduye rwo gutwara ikinyabiziga.

8.a) Uruhushya rwo gutwara ibinyabiziga **rwimwa cg rwamburwa** abantu barwaye indwara zikurikira :

Ku byerekeye uruhushya rwo murwego **C,D,E**,na **F**, **Ukubona kw'ijisho kugomba kugira 8/10** kuri buri jisho cyangwa **7/10** ku ijisho rimwe na **9/10** ku rindi jisho cyangwa se **6/10** ku ijisho rimwe na **10/10** ku irindi. Biremewe ko uburwayi bw'amaso bukosorwa n'amataratara abigenewe .

-Ukumva: Kutumva cyangwa kumva buhoro bikabije kandi ku matwi yombi .

-izindi ndwara z'ubuzima zibuzira bikabije ingingo gukora neza cyangwa zihungabanya imikorere y'ubwonko

b) Porokireri wa Repubulika ashobora gutumiza umuntu wese ufite uruhushya rwo gutwara ibinyabiziga akekaho bumwe mu burwayi bumaze kuvugwa kugira ngo asuzumwe na muganga amutegetse; muganga yohereza porokireri ibyo yabonye mugihe kitarengeje iminsi umunane .